



## ՄԱՇՏՈՅԻ ԱՆՎԱՆ ՄԱՏԵՆԱԴԱՐԱՆԻ ՏՆՕՐԵՆԻ ՇՆՈՐՀԱՎՈՐԱԿԱՆ ԳԻՐԸ ՎԵՆԱՓԱՌ ՀԱՅՐԱՊԵՏԻ ԾՆՆԴՅԱՆ ՀԻՍՈՒՆԱՄՅԱԿԻ ԱՌԹՎ

**Ն.Ս.Օ.Տ.Տ. ԳԱՐԵԳԻՆ Բ ԾԱՅՐԱԳՈՒՅՆ ՊԱՏՐԻԱՐԷ ԵՎ  
ԿԱԹՈՂԻԿՈՍԻՆ ԱՄԵՆԱՅՆ ՀԱՅՈՑ**

Միրելի Վեհափառ Տեր,

Մեսրոպ Մաշտոցի անվան Մաքենադարանի գիտական խորհուրդը, բոլոր աշխատակիցները և անձամբ ես սրտանց շնորհավորում ենք Ձեզ ծննդյան հիսունամյակի կապակցությամբ:

Ձեր կյանքի անցնող այս հիսուն տարիների կեսից ավելին սերտորեն կապված է եղել նաև Մաշտոցյան Մաքենադարանի հետ, ուր Դուք նախ որպես Գևորգյան Ճեմարանի սան եք այցելել և հաղորդվել մեր ազգային-հոգևոր բազմադարյան արժեքներին: Այնուհետև Ձեր հոգևոր սպասավորության ու եկեղեցական ձեռնադրության աստիճաններով վեր բարձրանալիս և հատկապես Արարաբյան հայրապետական թեմի առաջնորդական փոխանորդության շրջանում Ձեր այս կապվածությունն արտահայտվել են մաքենադարանաձևաձև փորձեր ձեռնարկումներով:

Հայոց Հայրապետական Աթոռի գահակալ ընտրվելուց հետո Ձեր այս վերաբերմունքն արդեն վերածվեց հայրապետական հոգածության:

Բրիտանական թանգարանի և միջազգային ու համաշխարհային ճանաչում ունեցող մյուս հաստատությունների նման Մաքենադարանը ևս սրելոծեց իր «Բարեկամների միություն»-ը՝ ակնկալելով համայն հայության, ինչպես նաև փորձեր երկրների այն անձանց ու կազմակերպությունների օժանդակությունը, ովքեր ցանկանում են իրենց նպաստը բերել հայկական ձեռագրերի ուսումնասիրությանը և անխաթար պահպանությանը:

Ուրախությամբ պետք է ասենք, որ «Մաքենադարանի Բարեկամների Միության» պարվավոր նախագահն եք Դուք, և լիափութ ենք, որ Ձեր բոլորանվեր աջակցությունն եք բերելու և Ձեր բարձր հեղինակությամբ նպաստելու եք Մաշտոցյան Մաքենադարանին ծառայող այս հիմնադրամի կայացմանը:

Մաքենադարանը, որպես Ս. Էջմիածնի հոգեհարազատ գավակ, մեր բազմադարյան հոգևոր մշակույթի, ձեռագիր մատյանների պահպանության, ուսումնասիր-

ման և հրապարակման գործը ստանձնած համագգային կենտրոն, լիափութ է, որ Ձեր գահակալության փարիներին ավելի կամրապնդվեն և կսերտանան Մայր Աթոռ Ս. Էջմիածնի և Մաշտոցյան Մաքենադարանի գիտական, գործնական և հոգևոր կապերը, մի համագործակցություն, որի հիմքերը դրել են Ձեր անմիջական նախորդներ երջանկահիշարակ Վազգեն Ա և Գարեգին Ա Կաթողիկոսները:

Ցանկանում ենք Ձեզ, Վեհափառ Տեր, քաջառողջություն, արևշարություն, ուժ ու կորով՝ մեր Սուրբ Եկեղեցուն և ժողովրդին ծառայելու վսնմ գործում:

## Ս. Ս. ԱՐԵՎՇԱՏՅԱՆ

ՄԱՇՏՈՅԻ ԱՆՎԱՆ ՄԱՏԵՆԱԴԱՐԱՆԻ ՏՆՕՐԵՆ,ԱԿԱԴԵՄԻԿՈՍ